

## Giuventetgna e lockdown

(sda/rtr/fmr) A duas terzas da la giuventetgna han ils contacts socials directs mancà durant l'emprim lockdown dal 2020: Quai mussa in studi che la Scol'aula turitgaisa per scienzias applitgadas ZHAW ha fatg. Tenor il studi han giuvenils en Svizra fatg tras l'emprim lockdown a moda fitg differenta. Durant l'emprim lockdown hai disturbà il pli ferm ils giuvenils tranter 13 e 19 onns ch'els n'han betg pudì inscuntrar lur amis ed amias sco usità. Quai han inditgà 66% dals dumandads. E per 58% èsi stà il pli grev ch'els n'han betg pudì pratitgar lur hobis. Or da la perspectiva da la psicologia da svilup na fetschia quai betg surstar, concludan ils auturs dal studi. Per giuvenils sajan ils contacts cun persunas da la medema vegliadetgna e libertads dador la chasa paterna essenzials per il svilup da lur persunalitad.